



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1176. Usque Ad Annum 1203

Fleury, Claude

August. Vind. [u.a.], 1763

VD18 90118022

§. 20. Translatio Episcoporum.

[urn:nbn:de:hbz:466:1-66394](#)

Sæcul. XII. A.C. 1199. sacrum Chrisma petebant, eosque Ordinationis causa adibant.

Sententiam cunctis bona fide exquentibus, exinde Ecclesia Dolensis cum omnibus aliis Britanniæ Ecclesiis Cathedralibus Turonensi subdita fuit.

§. XX.

Translatio Episcoporum.

Modico abhinc tempore Innocentius Papa eidem Archiepiscopo Turenensi succensuerat. Cujus rei hæc erat *Gest. Innoc.* occasio. Guilielmus de Chemillé cooptatus fuerat Episcopus Abrincensis, & electio ab Archiepiscopo Rotomagensi Metropolita suo confirmata. Quin etiam hanc Ecclesiam aliquamdiu administraverat, etsi necdum esset ordinatus. Tum vero Archiepiscopus Turonensis Guilielmum ad Ecclesiam Andegavensem translatum ordinavit, præterita Summi Pontificis auctoritate.

Id factum Innocentio minime probatur; quare ad Henricum de Sulli, Archiepiscopum Bituricensem, Episcopi Parisiensis fratrem, Epistolam dedit, cuius summa hæc fuit: *Patres nostri, Jesu Christi Institutum sequentes, Causas majores sacræ Sedi reservarunt, quales sunt, si Episcopus abdicet Episcopatum, aut a Sede sua ad aliam transferatur.*

Patres

Patres, quorum auctoritatem afferre In- Sæcul. XII.
 nocentius Papa se putat, sunt Evaristus, A.C. 1199.
 Callistus & Pelagius II. Pontifices, quo- 7. q. 1. c. 11.
 rum nomina præferunt confictæ illæ De- ex Evar.
 cretales, quæ jura ista S. Sedi tribuunt, ep. 2. c. 29. ex
 a Gratiano in Decretum suum relatæ. Callisti. ep. 2.
Pelag. II.
 Tum Papa prosequitur: *Ne igitur ista* ep. 2.
molitio impunita abeat, aliisque talia
audendi exemplum præbeatur, præcipi-
mus tibi; postquam rei veritatem satis
exploratam habebis, Archiepiscopum Tu-
ronensem a Jure confirmandi & con-
secrandi Episcopos, Guilielmum vero* de Chemill**
ab omni Episcopali officio suspende, do-
nec aliud de iis decreverimus. In illud
etiam inquire, an Archiepiscopus Ro-
tomagensis ei licentiam concesserit, Se-
dem Abrincensem dimittendi; quod si
factum sit, eamdem ei pœnam Canonici-
cam ac Archiepiscopo Turonensi injun-
ge. Sicut enim aliorum Jura conserva-
mus, ita etiam nostra violari non pa-
timur, cum ordo Caritatis exigat, ut,
post Deum, nos primum & deinde pro-
ximum diligamus.

Ut huic mandato majorem auctori- 1. ep. 50.
 tam conciliaret Innocentius, in ista
 Epistola refert, quæ in alia scripsiterit Pa-
 triarchæ Antiocheno, qui Archiepisco-
 sum electum Apamensem ad Episcopa-
 tum Tripolitanum transtulerat, sicque
 cum Dignitate Archiepiscopali exuerat,

Nn 3 quam-

Sæcul. XII. quamvis jam ejusdem Dignitatis pot.
A.C. 1199. estate annexa usus cuiusdam Episcopi

ep. 51.

Electionem confirmasset. Nempe Innocentius Papa Patriarcham a potestate confirmandi Episcopos, & Episcopum, ut dicebatur, Tripolitanum ab omni officio Sacerdotali suspendit.

ep. 447.

Archiepiscopus Bituricensis Papæ mandata strenue executus, Archiepiscopum Turonensem suspendit, qui, Nunciis Romam missis, veniam a Papa rogavit, confessus se errasse non improbitate sed simplicitate animi, & quod evidens Ecclesiæ Andegavensis emolumenntum hanc Translationem exposcerit. Haud ægre flecti se passus est Innocentius, datusque ad Archiepiscopum Bituricensem literis, eum tam Archiepiscopum Turonensem quam Rotomagensem a suspensione absolvere jussit. Hæc ex Epistola Innocentii die tertia Decembris anno millesimo centesimono-nagesimo octavo data cognoscimus. In alia autem vigesima prima Januarii anni sequentis Papa manifestat; memoratum Guilielmum Romam venisse, & errati veniam humiliter a se petuisse. Ceterum Ecclesiam quoque Andegavensem, datus ad se literis, affirmasse, omnes Canonicos in suo proposito perseverare, nec de alio Episcopo eligendo posse consentire. Itaque Papa indulgere statuit,

Guiliel.

ep. 532.

Guilielmi vinculum cum Ecclesia Abrin- Sæcul. XII.
censi solvit, eumque Andegavum trans- A. C. 1199.
tulit.

Sub idem tempus alia Translatio contigit, ex qua gravior secuta est perturbatio. Conradus Episcopus Hildesheimensis, Aulæ Cæsareæ Cancellarius, vir generis nobilitate, opibus, potentia clarus, acer ingenio, & solertiæ singulis, effecit, ut ad Ecclesiam Herbipolensem, Hildesheimensi multo pinguo- *Gest. n. 44.*
rem, transferretur, præterita Innocentii Papæ auctoritate, dicens, licentiam sibi datam esse a Cœlestino, Innocentii Antecessore, qua ad altiorem Dignitatem, si offerretur, posset ascendere. Inuo- *Res Ecclesiæ*
centius Papa de hac Translatione non in Germania.
solum per aliorum, sed etiam per ipsius Conradi, qui se Episcopum Herbipolen- *I. ep. 335.*
sem dicebat, epistolas certior factus, missis mandatis districte præcepit; ab hujus Ecclesiæ regimine sub poena ex-
communicacionis abstineret. Populo prohibuit Clericisque, ne ei obedirent,
& Canonicos ad hunc solummodo actum jure eligendi, sub poena Nullitatis, privavit. Nec istud satis Pontifici visum;
sed etiam Conradum vetuit ad Ecclesiam Hildesheimensem redire, quod Canones statuerent, Episcopum, qui Sedem suam reliquisset, ut ad majorem transiret,
merito suo utraque privandum esse.

Nn 4 Ita-

Sæcul. XII. Itaque Innocentius Episcopo Bamber.
A.C. 1199. gensi mandat; nisi Conradus ceterique
intra dierum viginti spatium obedirent,
eos per totum Germaniæ Regnum ex-
communicatos denunciaret, atque hanc
Censuræ Ecclesiasticæ sententiam omni-
bus diebus Dominicis, pulsatis campan-
nis, & accensis rursusque suppressis ce-
reis promulgari juberet. Eadem man-
data Pontifex ad Archiepiscopos Colo-
niensem, Magdeburgensem, Salisbur-
gensem, eorumque Suffraganeos misit.
Hæ literæ vigesima prima Augusti an-
no millesimo centesimo nonagesimo octa-
vo datæ.

T. 574.

Querebatur Conradus, se nec audi-
tum nec convictum a Papa fuisse damna-
tum; cui Papa respondit, ubi delictum
publicum esset & manifestum non re-
quiri Judicii ordinem. Non paruit
Conradus, sed post Pontificis Decretum
non nulla beneficia in Diœcesi Herbipo-
lensi clientibus suis contulit, & quamvis
Papa jubente aliis Episcopus Hildeshei-
mii electus fuisset, ipse tamen sibi ipsi
hujus Ecclesiæ Titulum tribuere non de-
sit. Quare Papa Conradum Romæ in
Festo S. Petri die vigesima nona Junii
anno millesimo centesimo nonagesimo
nono inter Missæ solemnia, ipsius Lega-
tis præsentibus, Excommunicatum de-
nunciavit. Tum comperto, quod com-
plures

plures Clerici atque ipse Advocatus Eccl. XII:
clesiae Hildesheimensis mandatis suis re- A. C. 1199.
fractarii Electionem alterius Episcopi
suo jussu peractam rejicerent, Conradum
ut antea Episcopum venerarentur, & ad
percipiendos fructus hujus Ecclesiae vim
adhiberent, datis literis, Episcopum Pa-
derbornensem jussit eos excommunica-
tionis vinculo ligatos promulgare, eo-
rum ditiones Interdicto Ecclesiastico
constringere, & alienationes, a Conra-
do, præsertim postquam Sedem Herbi-
polensem invasisset, factas, nullius roba-
ris esse declarare. Hæc Epistola secun-
da die Februarii anno millesimo ducen-
tesimo data.

Eodem rigore Innocentius Papa usus
est in Eberhardum Episcopum Brixinen-
sem*, qui cum Archiepiscopus Salis- * Brixen
burgensis electus fuisset, eam Dignita-
tem, inconsulto Summo Pontifice, ac- Gest. n. 45.
ceptaverat. Papa Electionem nullam Germa. Sas.
pronunciavit, Præfulem Brixinum redi- parte I.
re jussit, & Wernerum Episcopum Gur-
censem, quem Eberhardus, Archiepisco-
pali potestate usus, ordinaverat, depo-
suit. Eberhardus exemplum Conradi
metuens morem celeriter gessit, & cum
secundo electus fuisset, consentire non
ausus, cum suis Electoribus Papam adiit,
ac dispensationem impetravit.

Nn 5.

In

Sæcul. XII. In his omnibus causis Innocentii Pa.
A.C. 1199. pæ præcipua cura non fuisse videtur,
Translationes Episcoporum, ab antiquis
Canonicis Constitutionibus tam districte
prohibitas, impedire, cum eas rogatus
facile concederet.

Sed eo zelus ipsius commovebatur,
quod per translationes injuriam sacra
Sedi, si absque ejus auctoritate fierent,
inferri crederet.

§. XXI.

Causa Ecclesiarum Bracarense & Compostellensis.

Simul ac Innocentius Papa causam Ec-
clesiarum Dolensis & Turonensis
componebat, etiam litem a multis an-
nis in Hispania inter Archiepiscopos Bra-
carens & Compostellensem exortam
definivit, de septem Ecclesiis, in quas
se Jure Metropolitico gaudere dicebant,
nempe in Episcopatus Conimbricensis,
Lamecensis, Viseensis, Igæditanien-
sis, Ulißponensis, Eboranum, & Ser-
tinensem. Porro hujus controversiæ
occasio fuerat, quod Callistus Papa II.
circa annum millesimum centesimum vi-
gesimum tertium Compostellensem Ec-
clesiam ad Dignitatem Metropoliticam
evexerit; nam in hanc urbem præ-
gatiam antiquæ urbis Emeritæ, olim
totius

Gest. Innoc.
c. 42.

Sup. lib.
LXVII.

¶. 36.